

Rebecca Evans AC
Y Gweinidog Cyllid a'r Trefnydd

21 Mawrth 2019

Annwyl Rebecca

Diwygio is-ddeddfwriaeth - amserlenni

Trafododd y Pwyllgor Materion Cyfansoddiadol a Deddfwriaethol y Rheoliadau Clefydau Egsotig mewn Anifeiliaid (Diwygiadau Amrywiol) (Cymru) (Ymadael â'r UE) 2019 a Gorchymyn Pysgota Môr (Hysbysiadau Cosb) (Cymru) (Diwygio) 2019 yn ei gyfarfod ar 18 Mawrth 2019.

Gwnaeth ein hadroddiadau i'r Cynulliad Cenedlaethol dynnu sylw at faterion technegol gyda'r is-ddeddfwriaeth a nodir uchod.

Yn ei hymateb i'n hadroddiad ar y Rheoliadau, dywedodd Llywodraeth Cymru:

"Mae Llywodraeth Cymru yn cydnabod y pwynt. Bydd diwygiad yn cael ei wneud pan fydd y cyfle nesaf yn codi."

Nododd ymateb Llywodraeth Cymru i'n hadroddiad ar y Gorchymyn:

"Bydd OS sy'n diwygio Gorchymyn Pysgota Môr (Hysbysiadau Cosb) (Cymru) 2019 er mwyn ymdrin â'r mater hwn yn cael ei osod gerbron y Cynulliad cyn gynted â phosibl."

Ar 20 Mawrth, rydym yn nodi ac yn croesawu'r ffaith fod Gorchymyn Pysgota Môr (Hysbysiadau Cosb) (Cymru) (Diwygio) 2019 wedi'i osod gerbron y Cynulliad.

Yn fwy cyffredinol, yn ystod y misoedd diweddar rydym wedi cael nifer o ymatebion gan Lywodraeth Cymru i'n hadroddiadau lle rydym wedi nodi



materion technegol gydag is-ddeddfwriaeth lle mae Llywodraeth Cymru, mewn ffyrdd amrywiol, wedi ymrwymo i fwrw ymlaen i ddiwygio'r is-ddeddfwriaeth.

Byddem yn ddiolchgar am wybodaeth ynglŷn â beth yw polisi Llywodraeth Cymru wrth benderfynu ar 'y cyfle nesaf sydd ar gael', er enghraifft, a phryd a pham y caiff 'cyn gynted â phosibl' ei ystyried i fod yn amserlen briodol ar gyfer unrhyw is-ddeddfwriaeth y mae angen ei diwygio.

Yn gywir



Mick Antoniw AC

Cadeirydd

Croesewir gohebiaeth yn Gymraeg neu'n Saesneg.
We welcome correspondence in Welsh or English

